



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. II. Cui, & contra quem detur exceptio doli?

---

[urn:nbn:de:hbz:466:1-73001](#)

*cumscriptus est*; sermo est de nullitate non ratione dolii, sed *xtatis*; quia nimis venditio facta est à Minore sine auctoritate Judicis; &, cùm L. 3. ff. pro Socio, dicitur: Societatem, si dolo male, aut fraudandi causa coita sit, ipso jure nullius momenti esse, nullitas accipienda est *quoad firmatatem, & effectum*, ut nimis deceptus inde obligetur efficaciter; nam comperto dolo deceptus deceptor opponere potest injuriam per Dolum illatum, consequenter agere, ut contractus eo titulo rescindatur, præferunt cùm deceptor decepto teneatur compensare injuriam remissione obligationis ex mero ipsius dolo inducatur.

1280. Dices: si contractus, dolo initi, valeant mero jure, deceptor per injuriam, jus, & actionem consequeretur; hoc autem est contra naturalem æquitatem, ut colligitur ex c. 1. de eo, qui duxit, ibi: *nec lucrum de dolo suo reportet*; ergo ubi unus contrahentium Dolo, dante causam contractui, alterum induxit ad contrahendum, contractus est ipso jure nullus; quin propterea opus sit exceptione, cuius interventu rescinditur. Resp. N. ma. nam deceptor ex injuria, quam fecit alteri; & Dolo, quo eum circumvenit, non consequitur jus activum, seu actionem; sed potius obligationem compensandi factam injuriam, & remittendi obligationem injustè acquisitam; jus tamen & actionem consequitur ex mutuo consensu, quo initus est contractus; quæ tamen actio ipsi concessa non est contra naturalem æquitatem; cùm elidi possit exceptione dolii; & si quod lucrum momento habuit, totum auferri possit, ac lex so reddi, intentatā exceptione; imò etiam non intentatā, cùm jure naturali, & urgente obligatione conscientiae ad restitutionem urgeatur. Hinc fit, quod quamvis jure civili in contractibus stricti juris non detur actio ad rescindendos illos allegatione *Doli*, nec etiam exceptio (sic exigente naturā talium contractuum) secus tamen est de jure naturali, & canonico, propter naturalem æquitatem ejusmodi deceptionibus resistentem, ut deceptus firmiter cogatur stare tali contractui, qui unius è contrahentibus dolo

dante causam contractui inductus est. Unde quamvis num. 1277. dixerimus, etiam jure civili esse validos contractus stricti juris, initos ex Dolo antecedente unius è contrahentibus, qui causavit in altero errorem præcisè in qualitate; non propterea censendi sunt *eodem jure civili* habere effectus, quos contractus bona fidei, ut sicut his, sic illis concedatur actio, & exceptio contra deceptorem; nam in illis jus civile considerat dolum oppositionis bona fidei, non rigorem.

## §. II.

Cui, & contra quem detur exceptio dolii?

A Nte resolut. not. exceptionem dolii 1281. mali vocati exceptionem generalē L. Apud Celsum. ff. de except. dolii mali. §. 33. ibi: *metus causa exceptiōnem Cassius non proposuerat, contentus dolii exceptione, quæ est generalis: Sed, utilius visum est, etiam de metu oppone-re exceptionem; etenim distat aliquid à dolii exceptione: quod exceptio dolii, personam complectitur ejus, qui dolo fecit: enimvero metus causa exceptio, in rem Scripta est, si in ea re nihil metus causā factum est: ut non suspiciamus, an is qui agit, metus causa fecit aliquid; sed an omnino metus causā factum est in hac re à quocunque, non tantum ab eo, qui agit. Et quamvis de Dolo auctoris exceptio non obiciatur, veruntamen hoc jure utimur, ut de metu non tantum ab auctore; verū à quocunque adhibito exceptio obici posse; quia nimis opponi potest contra quemlibet, qui petit, quod qualibet exceptione excludi potest; cuius ratio est, qui quandocunque aliquis petit aliquid, sciens petitionem suam excludi posse per aliquam exceptionem, eo ipso committit, aut saltem committere fraudem aliquam, seu dolum præsumnitur; ubi autem dolus est, exceptio dolii est; ergo ubicunque locus est exceptioni alii cui, qua intentio Auctoris repellere possit, dari potest exceptio dolii. Ex hoc fit,*

Rr 3

Actori

Actori petenti solutionem debiti, posse opponi exceptionem doli, si ejus intentio repellere possit exceptione soluti, transactio-

nis, rei judicata, &c.  
1282. Ex hoc sequitur 1. exceptionem doli competere cuilibet, quando in judicio convenitur, ut solvat, vel præstet, quod solvi, vel præstari cum effectu (nimis firmiter) non patitur æquitas naturalis sponere in casu, Titium conveniri à Caio ad solvendum promissum, gravi, ac iusto metu extortum; nam in hoc casu Titius Actori posset opponere exceptionem metus causa, consequenter etiam contra eundem opponere valebit exceptionem Doli; nam cum naturalis æquitas non patiatur, ut injuste ac metu gravi extortum, injurianti ferat lucrum firmiter (non elidibile scilicet objectione, quod metus causa) eo ipso ex num. præced. eidem opponi poterit exceptio doli. Äquum enim est, Actorem nihil (firmiter) consequi ex eo, quod perfidè gestum est, prout dicitur in L. apud Celsum 4. ff. de doli mali except. Q. Marcellus 13. ibi: Marcellus ait, adversus doli exceptionem non dari replicationem doli. Labeo quoque in eadem opinione est; ait enim, iniquum esse, communem malitiam petitori quidem præmio esse, ei vero, cum quo ageretur, paenæ esse: cum longè æquum sit, ex eo, quod perfidè gestum est, actorem nihil consequi.

1283. Sequitur 2. exceptionem Doli oppositam non elidi per replicationem, ut apertere dicitur in dicto Q. Marcellus, præced. num. pro quo not. ex L. 1. ff. de Except. Q. 1. replicationes nihil aliud esse, quam exceptiones, quæ à parte Actoris veniunt, & quidem ideo necessaria sunt, ut exceptiones excludant; semper enim replicatio idcirco objicitur, ut exceptionem oppugnet; discrimen autem inter exceptiones, & replicationes ibid. §. 2. ab ipsa lege assignatur, ibi: illud tenendum est, omnem exceptionem, vel replicationem, exclusoriam esse: exceptio, actorem excludit; replicatio, Reum. Dixi, exceptionem Doli non excludi per replicationem; hinc, quamvis Viro v. g. agenti ad restitutionem Uxor, quæ sponte suæ se separavit, hæc opponat commissum ab ipso Adulterium, quod sit notorium, aut constet ex ipsa confessione Viri; conse-

quenter communiter dicatur ex c. Significati. 4. de divortiis, Virum à petitione merito repelli; hæc tamen exceptio efficaciter repelli potest replicatione Viri, qua ostendat, mulierem fuisse causam proximam hujus lapsus, ut aperte colligitur ex c. discretionem, de eo, qui cognovit consang. de quo casu V. dicta l. 4. a num. 2424. Nam exceptio Adulterii non est exceptio doli, quam non elidit replicatio.

Sequitur 3. exceptionem doli concedi contra quemlibet, qui alterum convenit, & ab eo petit, quod naturalis æquitas non patitur; nec elidi posse per replicationem Actoris; cum iniquum sit communem malitiam petitori (seu Actori) præmio esse; ei vero, cum quo ageretur, paenæ, ex cit. §. Marcellus, supr. num. 1282. excipe parentes, & Patronos, contra quos liberis, & liberti, ob reverentiam hujusmodi personis debitam, exceptionem doli objicare non possunt, eò quod famam sugillet apud bonos; ideoque, ut parcatur eorum famæ, exceptio in factum proponenda erit, cit. L. 4. Q. Adversus 16. Hinc datur etiam adversus pupillum, per cit. L. 4. §. si quis pupillo. 4. ibi: si quis pupillo solverit sine Tutoris auctoritate id, quod debuit, ex quæ ea solutione locupletior factus sit pupillus: rectissime dicitur, exceptionem pertinentibus nocere; nam & si mutuam accepit pecuniam, velex quo alio contractu locupletior factus: dandam esse exceptionem; Idemque & in ceteris erit dicendum, quibus non recte solvit: nam si facti sint locupletiores, exceptio locum habebit.

Datur secundò etiam contra Successores 1285. in re, quando succedunt ex titulo, seu causa lucrative; non autem si ex onerosa; ratio sumitur ex L. apud Celsum. 4. ff. de doli mali except. & quidem quoad primam partem ex §. Si quis autem 29. ibi: si quis autem ex causa tegati vindicet, aut is, cui ex causa donationis res præstata est, vindicet, an de Dolo exceptionem patiatur ex causa ejus, in cuius locum successerit? & magis putat Pomponius submovendum: & ego puto exceptione eos esse repellendos: cum lucrativam causam sint nacti. Aliud (autem) est emere, aliud, ex his causis succedere; quoad

quoad secundam verò, ex §. de Auctoris.  
27. ibi : de Auctoris dolo exceptio em-  
ptori non objicitur ; si autem accessione  
auctoris utitur, aquifissimum visum est,  
eum, qui ex persona auctoris utitur acce-  
sione, pati dolum auctoris ; & peraque  
traditur, rei quidem coherentem exce-  
ptionem etiam emptori nocere: eam au-  
tem, qua ex delicto persone oriatur, no-  
cere non oportere. Et ex his patet ad se-  
cundam partem tituli.

## §. III.

In quibus rebus, & intra quod tempus,  
detur exceptio dolii?

1286. **A**d 1. Resp. doli exceptionem com-  
petere in qualibet re, ubi ejus peti-  
tio aliquâ exceptione elidi potest; ex  
dict. n. 1281. quando enim id, quod ta-  
le est, petitur, petitio non caret dolo, con-  
sequenter exceptione dolii, tanquam ad-  
versâ naturali æquitati, merito excludi  
potest. Ex hoc sequitur ei locum esse *in  
contractibus*, cùm quis dolo ad contra-  
hendum inducitur; *in testamentis*, si  
dolo aliquid in eis corrumpatur, scriba-  
tur, radatur, aliud substituitur ab alio,  
vel prudens indicium est, factæ talis per-  
versionis; *in petitione solutionis*, cùm  
elidi potest, exceptione soluti, transactio-  
nis, compensationis, &c. &c.

1287. Ad 2. quando quis ab altero dolo cir-  
cumventus, à Deceptore convenit ad  
præstandum, quod contractum, promis-  
sum, vel debitum allegatur, & petitor  
vult opponere dolum, id fieri posse du-  
pliciter, vel per modum *actionis*; vel  
per modum *exceptionis*; de primo dice-  
mus. seq. de secundo autem Resp. ex-  
ceptionem dolii, petitionis seu *actionis*  
peremptoriam, esse de se perpetuam, seu  
decepto semper competere, per §. per-  
petua 9. *Instit. de Exceptionib.* ibi : *perpe-  
tua, & peremptoria sunt, qua semper  
agentibus obstant, & semper rem, de qua  
agitur, perimunt*: qualis est exceptio dolii mali, & quod metucausa factum est,  
& pacti conventi, cùm ita conve-

nerit, ne omnino pecunia petere-  
tur.

Si dicas: dolus oppositus per modum  
*actionis* finitur eo tempore, quo actio, &  
consequenter opposito per modum *actio-  
nis* dolo non semper competit actio; ergo  
etiam nec semper exceptio proposito do-  
lo per modum exceptionis. Resp. N.  
conseq. cuius ratio, & discrimin sumitur  
ex L. *Purè* 5. §. ult. ff. *de doli mali ex-  
cept.* ibi : *non, sicut de dolo actio certo tem-  
pore finitur, ita etiam exceptio eodem  
tempore danda est: nam hec perpetuo com-  
petit: cum Actor quidem in sua potestate  
habeat, quando utatur suo jure: is au-  
tem, cum quo agitur, non habeat potesta-  
tem, quando conveniatur?*

## §. IV.

*De actione, qua ex dolo competit.*

1289. **S**icut supra diximus agenti possessorio  
*unde vi*, spoliationem à Reo posse  
opponi vel mutua petitione, nimis  
eam objicendo per modum *actionis*; vel  
per modum *exceptionis*, ex qua modi di-  
versitate nascitur diversus ordo cognitio-  
num; ita etiam agenti ex contractu, v.g.  
per dolum ejus initio, potest opponi dolus,  
vel per modum *actionis*, vel per modum  
*exceptionis*. De hac actione ex dolo a-  
gitur L. *Hoc editio* 1. ff. *de dolo mali*, ibi:  
*hoc editio Prætor adversus varios, & do-  
losos, qui aliis offuerunt calliditate qua-  
dam, subvenit: ne vel illis malitia sua  
sit lucrosa, vel istis simplicitas damno-  
sa.* Verba autem editi talia sunt: *qua dolo  
malo facta esse dicentur, si de his rebus alia  
actio non erit, & justa causa esse vide-  
bitur, judicium dabo.*

Hæc actio est solùm rei persecutoria ex  
parte Actoris, nimis, ut per decepto-  
rem obtenta restituatur, si in se extet; vel,  
si securus, rei æstimatio; est solùm extraor-  
dinaria, nimis in subsidium decepti,  
qui non habet actionem aliam, ut constat  
ex cit. L. 1. Q. 1. ibi: *si de his rebus alia  
actio non erit; intellige ordinaria; me-  
ritò autem ait Prætor, si alia actio de his  
rebus*